

সেই অস্ত্র

আহসান হাবীব



কবি-পরিচিতি



কবি-পরিচিতি

- আহসান হাবীব বৃহত্তর বরিশাল অঞ্চলের পিরোজপুর জেলার শংকরপাশা গ্রামে ১৯১৭ খ্রিষ্টাব্দের দোসরা জানুয়ারি জন্মগ্রহণ করেন।
- তাঁর পিতার নাম হামিজুদ্দিন হাওলাদার এবং মাতার নাম জমিলা খাতুন।
- স্কুলজীবনেই তাঁর কবিতা লেখার হাতেখড়ি।
- বরিশালের ব্রজমোহন কলেজে অধ্যয়নরত অবস্থায় কবিকে কলেজ ছেড়ে ভাগ্যান্বেষণে কলকাতায় চলে আসতে হয়।




কবি-পরিচিতি

- পত্রিকা, রেডিও, প্রকাশনা সংস্থা প্রভৃতি পেশার সঙ্গে যুক্ত হলেও আহসান হাবীব শেষ পর্যন্ত সাংবাদিকতা, বিশেষ করে পত্রিকার সাহিত্য সম্পাদক হিসেবেই জীবিকা অর্জনের পথ বেছে নেন।
- ১৯৫০-এর দিকে তিনি কলকাতা ছেড়ে ঢাকা আসেন।
- বেশ কয়েকটি পত্রিকায় কাজ করবার পরে ১৯৬৪ খ্রিষ্টাব্দে তিনি যোগ দেন 'দৈনিক বাংলা' (তৎকালীন 'দৈনিক পাকিস্তান') পত্রিকার সাহিত্য সম্পাদক হিসেবে।



কবি-পরিচিতি

- আমৃত্যু এই পত্রিকার সঙ্গেই তিনি যুক্ত ছিলেন।
- তিনি ১৯৬১ খ্রিষ্টাব্দে বাংলা একাডেমি পুরস্কার এবং ১৯৭৮ খ্রিষ্টাব্দে একুশে পদকে ভূষিত হন।
- স্বল্পভাষী, আত্মমগ্ন, স্পষ্টবাদী এই কবি ছিলেন মূলত মানবদরদি শিল্পী।
- দেশ ও জনতার প্রতি ছিল তাঁর গভীর সংবেদনশীলতা।



কবি-পরিচিতি

- ব্যক্তিগত অনুভূতি, অভিজ্ঞতা, যুক্তিবিচারের আলোকে এক সুগভীর জীবনঘনিষ্ঠ আশাবাদী চেতনা তাঁর কবিপ্রতিভার মূল সুর।
- কবি আহসান হাবীবের উল্লেখযোগ্য কাব্যগ্রন্থগুলো হলো : ‘রাত্রিশেষ’, ‘ছায়াহরিণ’, ‘সারা দুপুর’, ‘মেঘ বলে চৈত্রে যাবো’, ‘দু’হাতে দুই আদিম পাথর’, ‘বিদীর্ণ দর্পণে মুখ’ প্রভৃতি।
- এছাড়া উপন্যাস ও শিশুসাহিত্যেও তাঁর বিশেষ আগ্রহ ছিল।
- তিনি ১৯৮৫ খ্রিষ্টাব্দের ১০ই জুলাই মৃত্যুবরণ করেন।



পাঠ-পরিচিতি

- “সেই অস্ত্র” কবিতাটি আহসান হাবীবের ‘বিদীর্ণ দর্পণে মুখ’ কাব্যগ্রন্থ থেকে সংকলন করা হয়েছে।
- এই কবিতায় কবির একমাত্র প্রত্যাশা – ভালোবাসা নামের মহান অস্ত্রকে পুনরায় এই মানবসমাজে ফিরে পাওয়া।
- কবির কাছে ভালোবাসা কেবল কোনো আবেগ কিংবা অনুভূতির দ্যোতনা জাগায় না।
- তাঁর বিশ্বাস, এটি মানুষকে সকল অমঙ্গল থেকে পরিত্রাণের পথ বাতলে দেয়।

- তাই কবি বিশ্বের মানবকুলের কাছেই এই ভালোবাসা ফিরিয়ে দেবার অনুরোধ করেছেন।
- মানুষ যদি অপর মানুষের হিংসা, লোভ, ঈর্ষা থেকে মুক্ত থাকে তবে পৃথিবীতে বিরাজ করবে শান্তি; পৃথিবী এগিয়ে যাবে সুখ, শান্তি ও সমৃদ্ধির দিকে।
- বিশ্বব্যাপী ছড়িয়ে থাকা বিদ্বেষের বিষবাস্পকে যদি অপসারণ করতে হয় তবে ভালোবাসা নামক অস্ত্রকে কবির কাছে এবং কবির মতো আরও বহু মানুষের কাছে ফিরিয়ে দিতে হবে।

- কবি জানেন, হিংসা আর স্বার্থপরতার করাল গ্রাসে অনেকেই মানবিকতাশূন্য হয়ে পড়ে।
- আর তাই কবি মানবিকতার সেই হতবোধকে ফিরে পেতে চান তথা মানব সমাজে ফিরিয়ে দিতে চান।
- পৃথিবীতে ছড়িয়ে দিতে চান অফুরান ভালোবাসা।
- কবিতাটির গঠনগত বিশেষত্ব হলো, এর অনাড়ম্বর সহজ গতিময়তা।

পাঠ-পরিচিতি

- কোনো ভারি শব্দ ব্যবহার না করে সাবলীল ভাষায় কবি তাঁর একান্ত প্রত্যাশিত ভালোবাসার প্রত্যাবর্তন কামনা করেছেন।
- এই কবিতাটি শান্তিপ্রিয় পৃথিবীবাসীর জন্য এক চিরায়ত প্রার্থনাসংগীত।
- কবিতাটি অন্ত্যমিলহীন অক্ষরবৃত্ত ছন্দে রচিত। এর পর্বগুলোর বিন্যাসও অসম।

কবিতা

আমাকে সেই অস্ত্র ফিরিয়ে দাও

সভ্যতার সেই প্রতিশ্রুতি

সেই অমোঘ অনন্য অস্ত্র

আমাকে ফিরিয়ে দাও।

সেই অস্ত্র আমাকে ফিরিয়ে দাও

যে অস্ত্র উত্তোলিত হলে

পৃথিবীর যাবতীয় অস্ত্র হবে আনত

কবিতা

{ যে অস্ত্র উত্তোলিত হলে
অরণ্য হবে আরও সবুজ
নদী আরও কল্লোলিত
পাখিরা নীড়ে ঘুমোবে।

যে অস্ত্র উত্তোলিত হলে
ফসলের মাঠে আগুন জ্বলবে না
খাঁ খাঁ করবে না গৃহস্থালি।

কবিতা

সেই অস্ত্র আমাদের ফিরিয়ে দাও

যে অস্ত্র ব্যাপ্ত হলে

নক্ষত্রখচিত আকাশ থেকে আগুন ঝরবে না

মানব বসতির বুকে

মুহূর্তের অগ্ন্যুৎপাত

লক্ষ লক্ষ মানুষকে করবে না পঙ্গু-বিকৃত

আমাদের চেতনা জুড়ে তারা করবে না

আর্তনাদ সেই অস্ত্র যে অস্ত্র উত্তোলিত হলে

বার বার বিধ্বস্ত হবে না ট্রয়নগরী।

কবিতা

আমি সেই অবিনাশী অস্ত্রের প্রত্যাশী

যে ঘৃণা বিদ্বেষ অহংকার

এবং জাত্যভিমানকে করে বার বার পরাজিত।

যে অস্ত্র আধিপত্যের লোভকে করে নিশ্চিহ্ন

যে অস্ত্র মানুষকে বিচ্ছিন্ন করে না

করে সমাবিষ্ট

সেই অমোঘ অস্ত্র-ভালোবাসা

পৃথিবীতে ব্যাপ্ত করো।

শব্দার্থ ও টীকা

- অমোঘ

-

অব্যর্থ, সার্থক, অবশ্যস্ভাবী।

- যে অস্ত্র উত্তোলিত হলে
পৃথিবীর যাবতীয় অস্ত্র হবে
আনত

-

কবি ভালোবাসা আর শান্তির অস্ত্র দিয়ে সকল মারণাস্ত্রকে পরাভূত করবার
আকাঙ্ক্ষা ব্যক্ত করেন।

- যে অস্ত্র উত্তোলিত হলে
ফসলের মাঠে আগুন
জ্বলবে না

-

কবি বিশ্বাস করেন, ভালোবাসা দিয়ে মানুষের হিংসা বিদ্বেষ দূর করা সম্ভব।
ভালোবাসা থাকলে মানুষকে শত্রু ভাববে না, কৃষকের দুঃখ- জ্বালার আসান
হবে এবং বিদ্রোহের আগুন জ্বলবে না।

শব্দার্থ ও টীকা

- মানব বসতির বুকে মুহূর্তের
অগ্ন্যুৎপাত লক্ষ লক্ষ মানুষকে
করবে পঙ্গু-বিকৃত

-

ভালোবাসাহীন বিদ্রোহপূর্ণ পৃথিবীতে যুদ্ধের অনিবার্য ক্ষতি সম্পর্কে নিজের উৎকণ্ঠা কবি এখানে প্রকাশ করেছেন। অনুমান করা যায়, কবিচৈতন্যে দ্বিতীয় বিশ্বযুদ্ধে জাপানের হিরোশিমা-নাগাসাকিতে ঘটে যাওয়া নৃশংসতার স্মৃতি জাগ্রত ছিল। তাই আণবিক বোমার আঘাতে মৃত কিংবা প্রজন্ম-পরম্পরায় পঙ্গুত্ব বরণকারী বহু মানুষের আত্ননাদ কবির এই যুদ্ধবিরোধী মননকে আন্দোলিত করেছে।

- ট্রেনগরী

-

প্রাচীন গ্রিসের স্থাপত্যকলায় নন্দিত এক শহর। মানুষের হিংসা-বিদ্রোহ ঈর্ষা আর দম্ভের শিকার হয়ে পৃথিবীর ইতিহাসে বারংবার ধ্বংস হয়েছে এই নগরী। যুদ্ধের নির্মমতার এক চিরায়ত দৃষ্টান্ত এই ট্রয়।

শব্দার্থ ও টীকা

- জাত্যভিমান

- কোনো যুক্তি ছাড়াই নিজ জাতিকে সর্বশ্রেষ্ঠ জ্ঞান করার অহংকারী মনোভাব।

- সমাবিষ্ট

- সমভাবে আবিষ্ট। সমাবেশ হয়েছে এমন; সমবেত হওয়া অর্থে।

০১) 'দৈনিক পাকিস্তান' পত্রিকাটির বর্তমান নাম কি?

(a) দৈনিক আজাদ

(c) দৈনিক ইত্তেফাক

☒ (b) দৈনিক বাংলা

(d) দৈনিক জনকণ্ঠ

০২) 'দৈনিক পাকিস্তান' পত্রিকার কোন পদে আহসান হাবীব নিযুক্ত ছিলেন?

(a) সম্পাদক

☒ (b) সাহিত্য সম্পাদক


(c) কলামিস্ট

(d) প্রতিবেদক

০৩) 'সেই অঙ্গ' কবিতাটি গঠনগত বিশেষত্ব কোনটি?

(a) জটিল গতিময়তা

(b) সরলতা

 (c) সহজ গতিময়তা

(d) নাটকীয়তা

০৪) 'অমোঘ' শব্দের অর্থ নয় কোনটি?

(a) অব্যর্থ

(b) সার্থক

 (c) জরা

(d) অবশ্যম্ভাবী

০৫) আহসান হাবীবকে ভাগ্যান্বেষণের জন্য কোথায় যেতে হয়?

(a) করাচি

 (b) কলকাতা

(c) ঢাকা

(d) মুম্বাই

০৬) কোন কলেজে অধ্যয়নরত অবস্থায় আহবান হাবীবকে কলকাতায় যেতে হয়?

(a) বিএল কলেজে

(b) এডওয়ার্ড কলেজে

(c) বিএন কলেজে

 (d) ব্রজমোহন কলেজে

০৭) কোন পত্রিকায় আহসান হাবীব সাহিত্যিক সম্পাদক হিসেবে যোগদান করেন?

(a) দৈনিক সংবাদ

(b) দৈনিক আজাদ

(c) সংবাদ প্রভাকর

 (d) দৈনিক পাকিস্তান

০৮) 'দৈনিক পাকিস্তান' পত্রিকাটির বর্তমান নাম কী?

(a) দৈনিক আজাদ

 (b) দৈনিক বাংলা

(c) দৈনিক ইত্তেফাক

(d) দৈনিক জনকণ্ঠ

০৯) আহসান হাবীব এর কবিতায় মূলসুর কী?



(a) আশাবাদ

(c) দুর্ভিক্ষ

(b) গ্লানি

(d) দুঃখবাদী

১০) আহসান হাবীব মৃত্যুবরণ করেন কত সালে?

(a) ১৯৭৮

(c) ১৯৮৩

(b) ১৯৮১

 (d) ১৯৮৫

১১) 'সেই অস্ত্র' কবিতাটির গঠনগত বিশেষত্ব কোনটি?

(a) জটিল গতিময়তা



(c) সহজ গতিময়তা

(b) সরলতা

(d) নাটকীয়তা

১২) পাখিরা নীড়ে ঘুমোবে কোন অস্ত্র উত্তোলিত হলে?

☒ (a) ভালোবাসা

(c) আগ্নেয়াস্ত্র

(b) কালশিনাত

(d) আনন্দ

১৩) জাপানের কোন শহরে পারমাণবিক বোমা নিক্ষেপ করা হয়?

(a) ইয়োকোহামা

☒ (a) নাগাসাকী

(b) সুমাত্রা

(d) তাইপে

ধন্যবাদ

